

痘證慈航



同治乙丑資阻

痘證慈

冊

經綸堂藏板



南京中医药大学图书馆版权所有

歲乙丑季秋檢閱所刻驗方新編校正
本邑少海陳君寶以痘症慈航一卷余
新編小兒科論治痘詳矣似不必贅旋爲
閱其書著自明季歐陽公調律先生經郭崑
山先生刪潤成集所論辨症用方理悉與新
編相合第自發熱以至齊苗灌漿收結現何

症候從形色聲氣脈息之閒辨其順逆審其
寒熱虛實何症宜用何方卽以方藥附後一
覽朗然雖不知醫者亦可按卷辨症對症用
方誠倉卒時救急之慈航也因附錄補遺卷
內以爲廣渡眾生之一助云同治四年乙丑
歲仲冬月資陽李洞書識

驗方新編南楚無是書寧邑海樵胡君官
粵得於粵之省垣其嗣君昶亭攜書歸里
抄錄者苦其浩繁而惜其書之未能徧行
於世也適我邑徐君沂浦碧澗昆仲見其
書甚喜偕伊姪右丞出貲付梓因錄其驗
方之散見於諸書並方便集中所載有闕

緊要者若干部附諸卷末顏曰補遺將見
是書之行也家藏一冊對症用方疾苦頓
減其所以仁壽斯人者爲何如乎以是知
徐氏諸君之功德誠無旣也已咸豐拾年
庚申歲孟夏月資陽李善鑒洞書甫敘於
華林之藏拙書室



北京中医药大学图书馆

疔證慈航目錄

明歐陽調律先生原本

楚北金文彬先生訂本

漢川郭士珩崑山氏編輯

江夏任光曾隨葬氏刊行

應城吳毓梅和亭氏刊行

湘潭徐壽昌可樓氏刊行

目錄

折諸家之衷

辨虛實寒熱

二則

一則



晰氣血盈虛消長之理

論炮製用藥之法

附治痘醫案

初發熱至痘齊數日調治法

痘齊起發灌膿調治諸法

漿足至回水結痂調治法

補遺

一則
一則
八則



折諸家之衷

治痘之家多矣。劉河間悉用寒涼。偏害非小。至於錢仲陽
立方亦以解毒爲主。而多用寒涼。少用溫補。張隱居王海
藏咸宗之。此其意俱本於內經諸瘍瘡皆屬心火之一言。
故以寒涼瀉心火也。厥後陳文中立方力矯其偏。專主溫
補。凡痘已出未出之間。悉用十二味異功散。其意歸重於
太陰之一經。蓋以手太陰肺主皮毛。足太陰脾主肌肉。肺
經惡寒。脾土惡溼。故用丁香官桂以治肺之寒。木附半夏
以治脾之溼。此方用之得當。其效固大。然不分寒熱虛實
而一概用之。則宜於虛寒不宜於實熱。其偏害又可知也。

朱丹溪解之是矣。至丹溪立論矯陳氏之偏而取錢氏之
長主於解毒和中安表以爲的。當舉世用之數百年無有
議其失者。余則以爲治他症丹溪多妙論。至於治痘則孟
浪而未盡其妙。倘亦下慮一失乎。蓋其矯偏於陳氏而不
敢輕用木香桂附等藥。似乎因噎而廢食。其取長於錢氏
而必用芩連牛子之類。以監制參耆朮附補劑。似乎任驕
而中制。因兵而外監也。其失亦泥於內經諸瘍風心火之
一言而未透其理也。不知痘疹雖屬心火。却與諸瘍不同。
諸瘍之毒當其初發而未成形。可用藥解散而愈。及至已
形而未成膿。又可用藥還散而愈。痘毒發自五臟。必借血

氣送出於皮膚運化之而成膿收結之而成痂而後收金
功也可解散而愈乎可未膿而愈乎故諸瘡以解毒爲主
能解毒於早則輕不能解毒於早則重痘毒以血氣爲主
氣血能送毒以灌膿結痂則生氣血不能送毒以灌膿結
痂則死解毒之藥多損胃氣不顧血氣之虧損而急於解
毒是猶不慮我兵之強弱而急於殺敵也蓋毒有必解者
又有不可解者若小兒稟賦壯實胃氣好飲食如常者其
血氣自旺自能送毒氣以成功其痘自始至終多順症此
不必解毒也若其稟賦素弱脾胃又弱出痘之時飲食又
少或渴或瀉或腹脹或手足冷或氣短促或失聲或痘出

不快或根巢不紅活或色白而頂陷或當灌膿而不灌膿
當結痂而不結痂皆由血氣不能送毒氣此不可解毒者
也當速用溫補以扶胃氣而助血氣若用參耆歸朮等而
力不及卽加入木香丁香桂附佐之亦不爲過又何可參
人芩連牛子等涼品以監制溫補之力而損氣血乎所以
丹溪未盡其妙者也丹溪又教人用犀角地黃湯以解痘
毒後人沿其說失其初意因習而用之以爲奇妙而不知
其害蓋心者血之主心之所以能主血者以其屬火也痘
屬心火正借心火以運用一身之血而成功豈其可瀉而
去乎蓋人身之血溫則流行寒則凝滯犀角地黃湯涼心

經而瀉心火。心經既涼，心火既瀉，則一身之血俱凝滯不行。何以運化毒氣，成膿結痂乎？故內攻之患作而竟以告罷者，瀉心火之藥實殺之，而人不知也。醫者亦竟不悟也。可慨也。夫余謂痘已出之後，未結痂之前，凡一切涼心之藥，如犀角、地黃之類，姑禁絕不用，待痘結痂後，用之解餘毒可也。或曰：若然，則未收結之前，毒俱不可解乎？曰：奚為不可？若其血氣與毒氣俱盛者，脈必洪數，或初出即帶紫黑，或既出而稠密紅紫，內則煩悶燥渴，小便赤澀，大便秘結。此則屬實熱，宜速用清涼之劑以解毒。如大便久秘者，量入酒炒大黃微利之可也。若其毒氣雖盛而血氣未旺，

者則以解毒爲主而兼活血養氣參耆歸芍之類亦未可
離也臨症時須細心審之

近世瘡方多宗黃西邱其書自始至終俱分順逆險而立
說其謂順者不必服藥謂險者宜以保元湯調治尤近理
也至謂逆者俱不可治治之徒勞無功是教人袖手待斃
也其言不仁之甚此爲俗醫圖利計則甚便而於救濟生
成之術則甚乖也蓋醫者仁術聖人以之贊助造化之所
不及所貴扶危救困起死回生耳若治其易治而棄其難
治何以醫爲惟俗醫意在圖利又恐壞名見有不順者輒
譏棄之彼誠恐利未必得而徒冒不識症之名若是仁人

君子當爲死裏求生豈忍坐視其死而不治乎故曰西醫之言便於俗醫而非所以救世也且其所指逆症多端稠密者多有之如發熱而驚悸吐瀉痲痘而先發於司空印堂天庭等處初出而根窠無暈既出而色白灰陷或發水泡或痒場或當行漿而不行漿或痲未落而寒戰咬牙皆其所謂逆而不治者也余每治之而得生者多矣奈何惡謂治之無益而戒人勿治乎唯初出而形如蠶種既出而紫黑乾枯者難以灌漿多不可救耳然明知救之而不活不忍坐視而不救也

五言志册

卷



辨寒熱虛實之證

凡治病必先辨明寒熱虛實。望聞問切無非辨此四者而已。四者了然胸中。則用藥取效。其應如響。四者不能分辨。鮮有不悞者。卽或中病而愈。亦幸而偶中也。至於痘症之寒熱虛實。尤爲緊要。辨之不明。多致敗事。何歷代治痘之家。著書立方。互相異同。至於虛實寒熱。多畧而不辨。或辨而不明。致令檢方者。漫無下手處。竟不知某症屬虛寒。某症屬實熱。當用某方。則雖千百妙方。千百妙論。無益於用也。無怪乎自古及今。治痘之家。多迷途而惑。幼之術疎也。且痘之虛實寒熱。與諸症之虛實寒熱。固自有辨。諸症有